

Naqqiut

Siusinnerusukut 28. juli 2021-mi nassionneqarsimasumut taartaasoq.
(*Naalakkersuisup taaguutaa allanngortinneqarpoq naalakkersuisoqarfiit allanngortinneqarnerisa kingunerisaanik*)

Matumuuna Inatsisartut suleriaasianni § 33 najoqqutaralugu aalajangiiffigisassatut siunnersuutini makkuninnga Naalakkersuisut saqqummiussaqrput.

Aktiaatillit kinaassusersinissaat, paasissutissat ingerlateqqittarneri, aamma aktiaatillit pisinnaatitaaffiini ingerlatsinermit oqilisaaneq pillugit Kalaallit Nunaannut inatsisissatut siunnersuummik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

(Aktiaatillit kinaassusersinissaannut, paasissutissat ingerlateqqittarnerinut, aamma aktiaatillit pisinnaatitaaffiini ingerlatsinermit oqilisaavigineranut tunngatillugu Europa-Parlamentip aamma Rådip malitassaani 2007/36/EF-imi aalajangersakkanik piviusunngortitsinermit tunngatillugu minnerpaamik piumasaqaatit aalajangernissaat pillugit Kommissionip naammassinninnissamut peqqussutaa (EU) nr. 2018/1212, 3. september 2018-imeersumi aalajangersakkanut assingusunik Kalaallit Nunaannut aalajangersakkat piviusunngortinnissaat)
(Inuussutissarsiornermit Niuernermullu Naalakkersuisoq)

Tunngavigisaq

Kalaallit Nunaat EU-mi ilaasortaangilaq, Kalaallit Nunaannilu EU-mit peqqussutit atuuttuunngillat. Taamaattumik Namminersorlutik Oqartussanit tiguneqarsimanngitsuni suliaasaqarfiusuni EU-mi peqqussutini aalajangersakkanut assingusunik Kalaallit Nunaanni aalajangersakkanik atuutsitsisoqalissappat tamanna Folketingip inatsisaatigut pissaaq.

Inatsisissatut siunnersuutip Kalaallit Nunaanni aalajangersakkanik atuutsitsisinnanermut tunngavissamik pilersitsinissaq siunertaraa, taakku tassaallutik aktiaatillit kinaassusersinissaannut, paasissutissat ingerlateqqittarnerinut, aamma aktiaatillit pisinnaatitaaffiini ingerlatsinermit oqilisaavigineranut tunngatillugu Europa-Parlamentip aamma Rådip malitassaani 2007/36/EF-imi aalajangersakkanik atuutsitsinermit tunngatillugu minnerpaamik piumasaqaatit aalajangernissaat pillugit Kommissionip naammassinninnissamut peqqussutaa (EU) nr. 2018/1212, 3. september 2018-imeersumi aalajangersakkanut assingusut.

Siunnersuummi pingaarnert

Inatsisissatut siunnersuummi siunertaq tassaavoq atuutsitsilernermit peqqussutit nassatarisaanik Danmarkimi toqqaannartumik atuuttunik malittarisassianut taakkununga assingusunik Kalaallit

Nunaannut malittarisassianik – Kalaallit Nunaanni pissutsinut naleqqussarneqarsimasunik – atuutsitsinissap qularnaarnissaa.

Aktiaatillit pisinnaatitaaffiit malitassaq

Ataatsimeersuarnerni aktiaatillit pisinnaatitaaffiisa ingerlatarinissaannik siuarsaasunik, aammalu aktiaatillit ingerlatseqatigiiffiullu akornanni aktiaatillit, taakkulu kinaassusaat pillugit paasisutissanik paarlaateqatigiittarnernik pitsanngorsaasunik, siulersuisuni ilaasortat aningaasarsiaqartitaanerannik paasisaqarsinnaanermik annertusaasunik, qanigisatut illua'tungerisallu aningaasanik nuussisarnernik inatsilersuisunik, kiisalu annertunerusumik paasisaqartitsinnaasumik atuutsilersunik malittarisassianik aktiaatillit pisinnaatitaaffiit malitassaq, 2007/36/EF, atuutsilersivoq.

Aammattaaq suliaqarfigisatut piginnittuunerup ingerlatarinissaannik aktiaatillit tapersugaanissaannik siunertaqarluni aktiaatillit pisinnaatitaaffiit malitassaq ingerlatseqatigiiffiit børsimi nalunaarsugaasut aktianik piginnittuutimik kinaassusersinnaanerannut pisinnaatitsivoq.

Atuutsitsilernissamut peqqussut

Nunami namminermi najoqqutassanik, nunap killeqarfiinik qaangiisunik aningaasanik nuussinerni aarleqqutissanik aningaasartuutinillu annertusaasunik, aammalu aalajangersakkani kingunerisanik sunniutinillu akornusiinngitsunik ilanngunneqarsinnaanngitsunik eqqussisoqassannginneranik atuutsitsilernissamut peqqussut qularnaarivoq.

Inatsisissatut siunnersuutit Folketingimut saqqummiunna sioqqullugu Kalaallit Nunaannut taamaallaat atuuttussatut aalajangersakkanik imalinnik inatsisissatut naalagaaffiup siunnersuutai namminersorlutik oqartussanut inatsimmi § 17, imm. 2 malillugu namminersorlutik oqartussanut saqqummiunneqassapput.

Inatsisissatut siunnersuutit Folketingimut saqqummiunneqarnera sioqqullugu naalagaaffiup aallaavigisatut namminersorlutik oqartussat oqaaseqaataat utaqqaassavaa. Taamaattumik namminersorlutik oqartussat oqaaseqaataata pigineqalernerata kingornatigut inatsisissatut siunnersuutit Folketingimut saqqummiunnissaa eqqarsaatigalugu 2021-mi ukiakkut ataatsimiinnermi oqaluuserisassat siuartinnissat pillugit Inatsisartut Siulittaasoqarfiannut qinnuteqaat nassiunneqarsimavoq.

Piginnittuut pillugit malittarisassiat katersat

Inatsisissatut siunnersuut piginnittuunna tunngasutut malittarisassiat katersat ilagaat. Inatsisissatut siunnersuutit matuma saniatigut malittarisassiat katersat imaraat ingerlatseqatigiiffinnut inatsisip, suliffiit inuussutissarsiutit ingerlatat ilaat pillugit inatsisip, inuussutissarsiutigalugu aningaasaateqarfiit pillugit inatsisip aamma aningaasaateqarfinnut inatsisip nutarsarneri.

Taamaattumik ingerlatseqatigiiffinnut inatsisip, suliffiit inuussutissarsiutit ingerlatat ilaat pillugit inatsisip, inuussutissarsiutigalugu aningaasaateqarfiit pillugit inatsisip aamma aningaasaateqarfinnut inatsisip nutarsarneri pillugit inatsisip Kalaallit Nunaannut atuutsitsilernerit pillugit peqqussutitut oqaaseqaateqarnissat pillugit ataatsimiinnermi tassani aalajangiiffigisassatut siunnersuummik Naalakkersuisut namminersorlutik oqartussanut inatsimmi § 18, imm. 2 malillugu saqqummiussiniarput.

Inatsisissatut siunnersuutikkut peqqussutitigullu aktiaatillit pisinnaatitaaffiit malitassaq aamma atuutsitsilernissamut peqqussut siunissami ingerlatseqatigiiffiit børsimi nalunaarsukkat aktianik piginnittuutiminnik attaveqaqateqarnerannut Kalaallit Nunaanni inatsisitigut toqqammavinngussapput. Aningaasanik nuussinerni paasissutissanik nalunaaruteqartarnernillu ilusaasunut ataatsimoorussatut ilutsinik atuinerit aqutitigalugit aktiaatillit pisinnaatitaaffiisa ingerlatarinerinik malittarisassiat oqilisaassapput. Ingerlatsisuusartut, atuutsitsilersup taassumalu aktianik piginnittuisa akornanni sunniuteqarluartumik tutsuiginartumillu suliaqartarnernik periarfissiisussanik paasissutissanut assigiinngitsunut najoqqutaligaasutut ilutsit oqaatsillu pillugit peqqussut minnerpaamik piumasaqaatissanik aalajangersaavoq.

Pisortanut aningaasaqarnikkut allaffissornikkullu kingunerisinnaasat

Aningaasaqarnikkut allaffissornikkullu kingunerisassaqaanngilaq.

Namminersortutut inuussutissarsiorfimmu aningaasaqarnikkut allaffissornikkullu kingunerisinnaasat

Malittarisassiat aningaasanik nuussinerni paasissutissanik nalunaaruteqartarnernillu ilusaasunut ataatsimoorussatut ilutsinik atuinerit aqutitigalugit aktiaatillit pisinnaatitaaffiisa ingerlatarinerinik malittarisassiat oqilisaassapput, ammalu ungasissumut isigalugu suliaqarfigisatut piginnittuuneq siuarsassallugu, taamaaliornikkut piffissamut ungasissumut ingerlatseqatigiiffiup aalaakkaasuuneranik siuarsaasunik aalajangiisoqartarnissaq, aammalu avatangiisinut tunngasutut inooqatigiinnermilu pissutsinik sianiginnissaq qularnaarneqassammata.

Innuttaasunut aningaasaqarnikkut allaffissornikkullu kingunerisinnaasat

Aningaasaqarnikkut allaffissornikkullu kingunerisassaqaanngilaq.

Tusarniaaneq

Siunnersuut piffissami 5. februaari 2021-mit 5. marsi 2021 tikillugu ilanngullugulu tamanut ammasumik tusarniaassutitut nittartakkami tusarniaassutaallunilu tusarniaanermi illua'tungerisanut attuumassutilinnut nassiunneqarsimavoq. Tusarniaanermut allakkialiorqarpoq, tassaniillutik tusarniaaffigisat allattorsimaffiat, takuuk ilanngussa 3.

Ilanngussat

Ilanngussaq 1: Aktiaatillit il.il. kinaassusersinissaat pillugit Kalaallit Nunaannut inatsisissatut siunnersuut

Ilanngussaq 2: Aktiaatillit kinaassusersinissaat, paasissutissat ingerlateqqittarneri, aamma aktiaatillit pisinnaatitaaffiinik ingerlatsinermik oqilisaaneq pillugit Kalaallit Nunaannut inatsimmut siunnersuummik eqikkaaneq

Ilanngussaq 3: Tusarniaanermut allakkiaq